

Dietrich I. von Lichtenstein als Zeuge.

28. Dezember 1200. *)

19. Blatt 2. Seite
1. Col.

2. Col.

In nomine sancte et indiuidue trinitatis, Levpoldus dei gratia dux Austrie et Styrie vniuersis Christi fidelibus salutem in perpetuum. Quia inermium atque mansuetorum tranquillitas in defensorum maxime consistit prouidentia, quia etiam uite claustralis conditio que seculari conditioni contraria est, et a negotijs secularibus sequestrata, secularium uexationum turbatione omnino deperiret nisi accurata principum sollicitudine conseruaretur, proposuimus spe diuine retributionis pietatem parentum ac predecessorum nostrorum in hoc imitantes religiosos ac monastice professionis uiros sub nostre iurisdictionis potestate collocatos diligenti fouere beniuolentia. Claustum igitur in Zwetel, quod omnimodis defensare intendimus ratione foundationis progenitorum nostrorum in omnibus redditibus suis iam collatis et adhuc conferendis tantummodo nostro patrociniati reseruamus, nec volumus, quod aliquis occasione bonorum a se eidem claustro collatorum uel alia aliqua occasione specialem aduersus idem claustum sibi uendicare presumat aduocatiam. Insuper vniuersa supradicto cenobio a ministerialibus nostris donata sibi priuilegij presentis inditio confirmamus et stabilimus, omnibusque nostris ministerialibus in conferendis rebus suis sepe dicto claustro licentiam damus atque libertatem. Preterea siluam iuxta Chrems et in eadem uilla ius quod in uulgari dicitur purchrecht et in Polan quatuor mansus et in Otten tres uiros censuales, Ernestonem, Chvnradam, Rvmhardum, que Hadmarus de Chvnnring eidem claustro dederat et sicut nobis uidebatur de iure dare non poterat nos eidem iuste perfecte donamus, utque maiorem habeant firmitudinem in hijs que sibi ministeriales nostri contulerunt, ea in presenti pagina exprimi iussimus. Hadmarus de Chvnnringen contulit uillam Otten et Chaltenprvne, et uineam in Chrems et mansum in Levbs et mansum in Witrah. In Koppenstaine duas mansus, in Taicendorf vij. mansus. Gisela de Svnnenberch .vij. mansus et dimidiam cum molendino in Ossarn. Nitzo de Glokenz duas mansus cum tribus areis. Ortwinus de sancto Johanne in Stokestal curiam uillicariam et mansum in Stokarn, Hainricus Garzven curiam uillicariam in Pvoche et partem silue cum duabus uineis. Gisla de Gors III^{or} mansus in Hefengeswente. Vlricus de Kirchperch quinque mansus in Warmundes, Gisla uxor Atzonis duas mansus. Otto de Mystelbach in Hece-mannestorf vnam mansum. Wolfkerus de Egenbvrcch ibidem vnam mansum et in Erchenbrehtestorf vnam mansum. Chvnradius de Kampe duas mansus. Atzo uineam iuxta fluuium Chremis. Insuper supra nominato cenobio in omnibus negotiationibus suis per totam terram nostram apud omnia pedagia nostra ius nostrum remittimus et indulgemus. Vt autem hec nostra donatio et vniuersa que pro sepe dicto claustro presenti pagine comendauius imperpetuum tam apud presentes quam apud posteros rata perseuerent, ipsam scribi sigillique nostri inpressione roborari subscriptioneque testium quorum nomina sunt hec, muniri iussimus. VVisinto prepositus de sancto Georgio. Capellani. Chvnradius plebanus de Rvstpach. Heinrichus plebanus de Greze. Dietmarus plebanus de Retze. Comes Fridericus de Peilsteine. Dominus Vlricus de Bernekke ministeriales. **Dietricus de Lichtenstein.** Rvdolfus de Potendorf Pilgrimus de Stevze. Ortolfus de Ronenberch. Albero de Tvncenstein. Levpoldus pincerna et frater suus. Hvgo de Molenstorf. Chvnradius de Pigarten et frater suus Eberhardus. Datum in Zwetel per manus Vlrici notarij anno incarnationis dominice M.º CC.º I.º Indictione quarta. v.º Kalendas Januarij.

20. Blatt 1. Seite
1. Col

*) Aus „liber foundationum monasterii Zwettlensis“ (genannt die Bärenhaut).